



Arkivnr: 2016/5105-16
Saksbehandlar: Elisabeth Bjørsvik, David Aasen Sandved

Saksframlegg

Saksgang

Utval	Saknr.	Møtedato
Utval for kultur, idrett og regional utvikling		08.11.2016

Brannsikring i musea. Omfordeling av midlar

Samandrag

Saka er ei oppfølging av sak 133/2016 *Tilskotsordninga Museumsløft 2016. Fordeling av midlar*, handsama i Utval for Kultur, idrett og regional utvikling 12. oktober i år. Prosjektet «Museumsløft» fekk tildelt 300 000 kr. Bymuseet i Bergen er hovudsøkjar, men prosjektet er felles for fleire museum, og tiltaka som heilskap skal kome dei konsoliderte musea til nytte. I fase 1 har ein kartlagt vedlikehaldsbehov og utvikla metode for datainnsamling. Søknaden som vart handsama på møtet i oktober, representerer hovudprosjektet og såleis trinn to i eit omfattande kartleggingsarbeid av investerings- og vedlikehaldsbehov ved dei konsoliderte musea i Hordaland. Hovudprosjektet som heilskap har ei kostnadsramme på 665 000 kr. I sin vurdering av søknaden, ga Fylkesrådmannen mellom anna følgjande grunngjeving:

Dette vil også vere eit prosjekt som kan synleggjere det arbeidet som er gjort innan brannsikring og dei behov som er med omsyn til sikringstiltak. Hordaland fylkeskommune har gjennom fleire år vore ein viktig bidragsytar til musea sitt sikringsarbeid. Fylkesrådmannen vil derfor i eiga sak til KIRU i november foreslå at eksisterande budsjettmidlar til brannsikring (til saman 400 000 kr for 2015/2016) også vert del av finansieringa til prosjektet «Museumsløft».

Fylkesrådmannen foreslår i denne saka at brannsikringsmidlar på budsjettpost 400.620 brannsikring – 200 000 kr overført frå 2015 og 200 000 kr for 2016, til saman 400 000 kr, inngår i prosjektet «Museumsløft», administrert gjennom Bymuseet i Bergen.

Forslag til vedtak

1.	Utval for Kultur, idrett og regional utvikling støttar forslaget om at midlar til brannsikring, budsjettpost 400.620, til saman 400 000 kroner for 2015 og 2016, inngår i prosjektet <i>Museumsløft</i> administrert av Bymuseet i Bergen.
2.	Midlane skal gå til kartlegging av eksisterande brannsikringstiltak i musea sine frede bygningar og dei kulturhistoriske bygningssamlingane, for på den måten å synleggjere status og framtidig ressursbehov med omsyn til slike sikringstiltak.

Rune Haugsdal
fylkesrådmann

Per Morten Ekerhovd
fylkesdirektør, kultur, idrett

Saksframlegget er godkjent elektronisk og har derfor inga underskrift.

Fylkesrådmannen, 19.10.2016

Saka er ei oppfølging av sak 133/2016 *Tilskotsordninga Museumsløft 2016. Fordeling av midlar, handsama i Utval for Kultur, idrett og regional utvikling* 12. oktober i år. Prosjektet «Museumsløft» fekk tildelt 300 000 kr. Bymuseet i Bergen er hovudsøkjjar, men prosjektet er felles for fleire museum, og tiltaka som heilskap skal kome dei konsoliderte musea til nytte. I fase 1 har ein kartlagt vedlikehaldsbehov og utvikla metode for datainnsamling. Søknaden som vart handsama på møtet i oktober, representerer hovudprosjektet og såleis trinn to i eit omfattande kartleggingsarbeid av investerings- og vedlikehaldsbehov ved dei konsoliderte musea i Hordaland. Hovudprosjektet som heilskap har ei kostnadsramme på 665 000 kr. I sin vurdering av søknaden, ga Fylkesrådmannen mellom anna følgjande grunngjeving:

Dette vil også vere eit prosjekt som kan synleggjere det arbeidet som er gjort innan brannsikring og dei behov som er med omsyn til sikringstiltak. Hordaland fylkeskommune har gjennom fleire år vore ein viktig bidragsytar til musea sitt sikringsarbeid. Fylkesrådmannen vil derfor i eiga sak til KIRU i november foreslå at eksisterande budsjettmidlar til brannsikring (til saman 400 000 kr for 2015/2016) også vert del av finansieringa til prosjektet «Museumsløft».

Hordaland fylkeskommune har gjennom fleire år hatt ei satsing på brannsikring av freda bygningar og dei kulturhistoriske bygningsamlingane ved musea. Det er viktig at det no kjem på plass ein heilskapleg oversikt over kor langt ein er komen i dette arbeidet, med vekt på kvalitet, omfang og kva som står att. Oversikta må vise sikringsstatus for musea sine freda bygningar (opphavleg plassering) og bygningsamlingane (kulturhistoriske bygningar som er flytta). Dermed vil ein også få oversikt over framtidig behov, noko som gir grunnlag for ei meir føreseieleg forvaltning og planlegging av moglege satsingsområde i høve museumssektoren. Utgreiinga bør lage eit framlegg til tiltaksplan med prioriteringar.

Budsjettpost 400.620 brannsikring, har sin bakgrunn i søknad om brannsikring i Agatunet (Hardanger og Voss museum). Søknaden frå 2006 gjaldt til saman 1 mill. kroner fordelt over fire år. I tillegg til brannsikringsmidlar over budsjettpost 400.620, har ein gjennom museumsplanmidlar i 2012 (sak 126/12 i Fylkesutvalet 21. november) og i 2013 (sak 64/2013 i Kultur- og ressursutvalet 4. juni) også løyvd til sikringstiltak ved musea, inkludert brannsikring.

Det å ta vare på kulturhistoriske bygg som musea har gjennom gode brannsikringstiltak, er ei viktig samfunnsoppgåve. Slik fylkesrådmannen ser det, er det heilt i tråd med innhald og mål for hovudprosjektet «Museumsløft» at sikringstiltak vert omfatta av kartleggingsarbeidet. Dokumentasjonen vil vere grunnlag for planlegging av investeringsbehov både for forvaltning og kulturinstitusjonane.

Fylkesrådmannen forslår såleis i denne saka at brannsikringsmidlar på budsjettpost 400.620 brannsikring – 200 000 kr for 2015 og 200 000 kr for 2016, inngår i prosjektet «Museumsløft», administrert gjennom Bymuseet i Bergen.